



Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno DLIII. ad annum DLXXVII.

Parisiis, 1644

Epistola XV. Pelagii Papae I. Ad Sapavdvm Arelatensem. De epistola sua,
quam de fide catholica ad regem antea scripsit. Commendat Romanos,
qui hostium metu eo configuerunt. iterumque de vestibus in ...

urn:nbn:de:hbz:466:1-15324

Hincmarus
ep. vi. c. 15. dicio conquerente, illū qui usurpauit necesse sit de illicita præsumptione culpari. Pro quibus, Christianitatis vestræ confidentia freti, paterno studio postulamus, vt si quid tale factum est, congrua satisfactione celeriter amputetur, nec ullum sui exemplum in perturbatione ecclesiarum, quas vobis Deus credidit, relinquere concedatur. Et huiusmodi causis solicitam vos in reliquo decet exhibere cautelam, ne quid contra ecclesiasticas regulas petentiibus concedatis: quia, quod bene cognitum est religiose menti vestræ, non aliter Deo nostro recte potest regalis deuotio famulari, nisi prouidentia eius ecclesiasticorum ordinum seruetur integritas. In columitatem excellentiæ vestræ Deus noster custodiat, domine fili gloriofissime atque præcellentissime.

EPISTOLA XV.

PELAGII PAPÆ I.

AD SAPAVDVM ARELATENSEM.

De epistola sua, quam de fide catholica ad regem antea scripsit. Commendat Romanos, qui hostium metu eo confugerunt. iterumque de vestibus in urbem mittendis.

Dilectissimo fratri Sapundo Pelagius.

Epist. 3.
Rufinus. TANTA nobis est circa personam tuæ fraternitatis affectio, vt nullas occasiones transire silentio patiamur. Denique veniente illuc Petro urbis negotiatoré, præsentia curauimus ad fraternitatem tuam scripta dirigere, desiderantes vt de incolumitate quoque vicissim datis opportunitatibus agnoscamus. Atque ideo salutantes fraterno caritatis amore, indicamus propitiante Domino circa nos omnia prospere geri. Et hortamur, vt si epistola, quam per diaconum atque subdiaconum fraternitatis tuæ ad excellētissimum filium nostrum Childebertum regem direximus, in qua de institutis beatissimorum patrum nostrorum fidem catholicam nostro per Dei gratiam sermonē de prompsimus, tam ipsi gloriofissimo regi, quam caritati tuæ, vel aliis fratribus coepiscopis nostris placuit, rescripto tuæ caritatis celerius agnoscamus. Præterea commendamus specialiter dilectioni tuæ Romanos, qui ho-

stilitatis metu confugerunt, vt solatium fraternitatis tuæ, & continentiam, qualem peregrinatio eorum poscit, inueniant. quos etiam filio nostro magnificentissimo viro patricio Placido, genitori tuo, ex nostra persona volumus commendari: vt in sua continentia recognoscant, quantum apud caritatem tuam eis commendatio nostra profuerit. Sed & illud ad commemorationem tuæ fraternitatis adducimus, vt sicut iampridem scripsimus, vestes quæ pauperibus erogentur, id est, cucullas, & tunicas, atque saga, de eo quod pro pensionibus ecclesiasticarum possessionum nobis dominus filius noster Placidus directus erat, comparari faciatis, & ad portum Romanum, Deo propitiante, dirigere; quatenus solitudinem nostram ex parte aliqua releuetis: quia tanta egestas & nuditas in ciuitate ista est, vt sine dolore & angustia cordis nostri homines, quos honesto loco natos idoneos noueramus, non possimus adspicere. Deus te incolumem custodiatur, frater carissime. Data Idibus Aprilis, anno xvi. post consulatum Basili viri clarissimi.

EPISTOLA XVI.

PELAGII PAPÆ I.

AD CHILDEBERTVM REGEM.

Mittit confessionem fidei suæ, monetque vt caueat ne
qua in Galliis per hæreticos excitari
discidia finat.

*Domino filio glorioſiſſimo atque præcellentissimo Childeberto regi
Pelagius episcopus.*

HV M A N I generis Saluator ac Dominus discipulos Matth. 18.
ſuos docens, ait: *Noneſt voluntas Patris vſtri qui in cœlis
eſt, ut unuſ saltē pereat de puſillis:* de quibus nec scandalizari quemquam sine magni afferit comparatione ſuppli-
cii. Cum igitur etiam de puſillis iſta forma præcepti ſit,
quanto nobis ſtudio ac labore fatagendum eſt, vt pro 25. q. 1. Sat-
auferendo ſuspicionis ſcandaluſ obsequiuſ confeſſionis
agenđum.
noſtræ regibus minifremuſ; quibus nos etiam ſubditos
effe ſanctæ ſcripturæ præcipiunt? Veniens etenim Rufinus
vir magnificus, legatus excellentiæ veſtræ, confidenter a
nobis, vt decuit, poſtulauit, quatenus vobis aut beatæ re-

Vuu iij